

# Чехи Гъалибвилин 74 йис



Газет 2001-йисан  
ноябрдилаь акъатзава

# Эренлардин СЕС

РД-дин Докъузпара райондин общественно-политический газет.  
Общественно-политическая газета Докъузпаринского района РД.

№19 (896) 8-май, арбе, 2019-йис. Газетдин са экз. кьимет кioskрай - 10 манат

## Гъурметлу докъузпаравияр!

Вири мусурманар патал паклу варз - Рамазан алукуьун тебрикзава!

Рамазан – икрам авунин ва сив хуьнин сувар, иман миxьи ийидай, хиялар дуьз гьидай руьгьдин жагъурунрин варз я.

И экуь варз эдеблувал мегъкемарун патал, хийирлу крар авун патал, дуствал мягъкемарун патал иллаки важиблу я.

Умуд кутазва, ч'алахъ я, сив хуьнин вацра миллетрин арада сад муькуьдан гъавурда гъатунин,



обществода авай гъалар иливарунин рекъай сабурлувал мадни мягъкем жеда, гьикI лагъайтIа, Рамазан вацра регъим, кIанивал, миллетрин арада дуствилин алакъаяр яржламишзава.

Заз квехъ, вирибурухъ мягъкем сагъламвал, райондин аваданвал патал зегъметда агалкьунар ва куь хуси уьмуьрда кьулайвилер хъана кIанзава.

А.М. АЛИСКЕРОВ,  
“Докъузпара район” МР-дин Кьыл

## Гъурметлу дяведин ветеранар, фронтдин далу пата зегъмет ч'угурбур ва райондин агъалияр!

Квез советрин халкъди Ватандин Чехи дяведа (1941-1945-й.) ч'ехи Гъалибвал къачурдалай инихъ 74 йис тамам жезвай экуь ва мегърибан сувар мубаракрай!

Чехи Гъалибвал... Адак чи Ватандин вири миллетрин дуствилин ва алахъунрин пай ква. Анжах дяведин сифте йисуз Докъузпара райондин зегъметкешри уьлкведин Оборонадин фондуниз 1700 хьицикь, 10500 кило сар, 17 агъзурни 257 кило як, 380 кило ч'ем рекъе туна. Хирер хъанвай аскерриз куьмекъз, кьилди 31 тонн як, 547 кило

ч'ем, 365 кило ниси рекъе туна. Чи дишегълийри 37 агъзур жуьт бегълеяр, 42 агъзур жуьт сун чуьвекар, кьилдин ксари Оборонадин фодуниз пулар яна, заемар кхъена. А такъатри ц'ийи танковый колоннаяр, эскадрильяяр арадал гъуниз куьмекна.

Къурушви Агъабег Уружева фронтдиз 854 балкIан рекъе туна. Абуьр дяведин шартIариз дурум гуз алакъдай жинсинибур тир.

Тахминан 3000 докъузпаравийриз ц'ун ва ялавдин юкьва иштиракдай несибдин пай акъатна. Абуьрукай 1800 касди чпин

чанар Ватандин азадвал хуьн патал кьурбандна.

Чи районэгълийрикай сад, вичин ери-бине Кара-куьредаь тир Мирзе Велиев Срветрин Союздин игит лагъай гъуьндурлу тIварцIиз лайхлу хъана. Чехи Дагъустандай акъатай сифтегъан дивизиядин командир, полковник Х.Д.Заманов хътин кьегъал хва, чи ватанэгъли хъунал дамахиз жеда. Итимдиз тешпигъ дишегълидин Х. Эмирсултановадин, Э.Амирагъмедован, Мискискарин хуьрай тир,



Баркалладин сад ва квед лагъай дережадин орденриз лайхлу хъайи кавалериядин взводдин командир М.Мурсалован, миграгъви М.Саидован, текиви С. Мингъанжеван, къалажухви С.

Агъабалаеван ва маса рухварин ва рушарин женгерин лайхлувилерни тмил туш.

За Квез, вирибуруз Чехи Гъалибвилин 74йисан сувар риклин сидкъидай мубаракзава. Къуй

дуьньяда ислегвал, Квехъни руьгъдин винизвал, чанарин сагъвилер ва уьмуьрда анжах шадвилер хъурай!

А.М. АЛИСКЕРОВ,  
“Докъузпара район” МР-дин Къил

### Хуьрерин администрацияра

## Гегъенш бигер

Мискискарин хуьруьн къил Руьзмедин Къанберован теклифдалди 4-майди «Рикел хуьнин вахта» акциядин къулараваз ва Рамазан вацран гунзарда хуьре гегъенш бигер къиле тухвана.

Мискискарин хуьруьн къили агъалийрин вилик акъазнавай ва ян тагана гъална къанзавай месэляр тайинарна. Ахътинбурукай сад акатайвал зирзибил гадарзавай хуртар терг авун тир. Техникадин таъминвални аваз, 4 къанунсуз арадал гъанвай хуртар хуьруьн уьрушрай акъудна.

- Къве суварин къаршида миъивилин серенжемар къиле тухун хуьруьн агъалияр патал гуьзел чешнелу кар я, - къейдна хуьруьн къили.

Миъивал хуьнин тереф вирида хуьн лазим я. Амма гъакъикъатди зирзибилрин цийи



хуртар арадал гъизвайбурукайни хабар гузва. Гъавилай гъар са гъафтада бигерар тешкилуниз мажбур жезва. Мешребсуз гъалдиз тагун патал къилдин мягълейрин агъалияр тугъкимарзава. Хуьруьн мискиндин имамдиз сагърай лугъуз

къанзава. Сив хуьнин суварин вилик адан теклифралди чна гегъенш бигер тешкилна. Бигердин къвалахрик хуьруьн жегъилри, ругулри чехи пай кутазва. Сагърай абур!

Шагъбала ШАГЪБАЛАЕВ

## «Рикел хуьнин вахтадин» акциядин къулара



4-майди Мискискарин СОШ-дин аялри «Рикел хуьнин вахта» акциядин къулараваз, дяведин далу патан фронтдин ветеран Гуьлбес Къурбановна Шихзадевадал къил чугуна.

Дяве башламишайла, винидихъ тгвар къунвай кас 17 йиса авай руш тир. Ада танкадин аксина сенгерар къадай окопар эгъуьнна, фронтдиз алукдайд парталралди таъминардай бегълеяр, сун перемар, гуьлуьтар авай

посылкаяр рекъе туна. Адан эвер гун: «Вири фронт патал - вири гъалибвал патал!» хъанай.

Гуьруьшмиш хуьна, акъазвайвал, адаз а йисар рикел хкиз лап четин тир. Гуьлбесан буба, Къурбан Гереевич фронтдай хтанач, ам Моздок райондин Чеченская Балка хуьре 1942-йисан декабрдиз телеф хъанай. Ам ана стхавилин сураара фаракъат я.

Гуьлбес Къурбановнади вад аял хвена, чехи авуна. Адахъ хтулар ва рушар гелкъезва.

Мискискарин хуьре Ватандин Чехи дяведин къагъриманриз хкажнавай цийи гуьмбет эцигдайла, амни къаюмчийрикай сад хъана.

Далу патан фронтдин ветеранди мектебдин аялриз къил чугунай, къайгъударвилай сагърай лагъана.

Чи мухбир

## Ватандин Чехи дяведин ветерандин хендедадал кьил чIугуна

Мискискарин М. Ахундован тIварунихъ галай СОШ-дин аялри Ватандин Чехи дяведин ветерандин хендеда Залова Кафиятал кьил чIугуна. КIвалин иесиди атирлу чайдин сукIрайихъ галаз, чими гуьруьшда вичин итим Залов Яверан уьмуьрдикай, женгерин рекьерикай суьгьбетна.

Кафията рагьметлу итимдин женгинин наградаяр: орденар ва медалар кьадирлувилелди хуьзва. Дагъви дишегьлиди, рикIел хкизвайвал, ада итимдихъ галаз муьжуьд аял хвена, чIехи авуна. Кье абур регьимлу, дикьетлу, вири кьайгъуйра гьахъзавай рухваря ва рушар я.

Кьунагьда хьайи аялри К. Заловадиз дяведин йисариз талукъ яз кхьенвай шаиррин чIалар кIелна,



дяведин йисарин манияр тамамарна. Школьникри Кафият Заловадиз алуькзавай Гьалибвилин йикъан суварни тебрикна, итижлу суьгьбетдай адаз сагърай лагьана, яргьал йисара уьмуьр давам хьун алхишна.

ГО и ЧС

## Уьлкведин суварин сергьятра



Малум тирвал, алай йисуз Россиядин цIаярикай хуьдай кьуллугьди, вич арадал атай йикъалай инихъ 370 йис тамам жезвай сувар кьейдзава. И вакьиадиз талукъ яз Докъузпара районда совещание хьана. И тешкилатдин тарих яргьал асирриз фенва.

1649-йисуз «Наказ о градском благочинии» кьарар кьабулна. Адан бинед Москвада цIаяр туьхуьрунин кьетIи кьайда эцигнавайдакай хабар ганвай.

– Гьакьикъатда, цIаяр туьхуьрдайбуру хкянавай кьуллугъ еке жавабдарвал хиве твазвайди я. Ада гьатта чандилай гьил кьачуна

исанар кьутармишунин, гьукуматдин важиблу дяведин хийирлувал авай объектар хуьнин карда еке дикьетлувал ва гуьзчивал истемешзава. Сир туш, чи райондани 37-нумрадин пожарный часть кардик ква. И частунин работникри датIана гьукуматдин идарайрин цIаярикай хуьнин кьайдайрал амалзава, гуьзчивал кьиле тухузва, авай кимивилер арадай акъудиз куьмекар гузва. Абуру ЧС-дин рекьяй чпин пешекарвилдин дережа хкажзава, - лагьана «Докъузпара район» МР-дин Кьил А.М.Алискерова.

Совещанидин эхирдай райондин Кьили чи частунин зегьметда тафаватлу тир кьунлугъчийрив Гьуьрметдин грамотаяр, пишкешар агакарна.

Чи мухбир

## Чи дередин къагъриманар




Ватандин Чехи дяве башламишайла, Каракуьредин хуьрай тир Мирза Велиеван 18 йисни бегъем тамам хъанвачир. Амма са варз арадай фейила, ада Кьиблепатан фронтда тупарин расчетдин наводчиквиле къегъал аскердин везифаяр тамамарзавай. Сифтегъан ягъунра, тупунин камандир къейила, викегъ дагъвиди расчетдин регъбервал вичин хивез къачуна. Гъа икI, вичин 309-гвардиядин лишанчийрин полкунин 109-дивизиядин, къвед лагъай Украинадин фронтдин 46-армиядин аскердин рехъ Кавказдилай Венгриядин меркез – Будапештдиз къван фена. И дяведин рехъ Мелотополдилай, Каховкадилай, Бериславдилай, Николаевдилай, Одессадилай Кефердихъ галай Молочная вацIалай эгечIна Румыниядай, Югославиядай, Болгариядай ва Венгриядай фенва, Дунай, Днестр, Днепр вацIарилай элячIнава. И яргъал ва хаталу рекъера Мирзадал къуд сеферда хирер хъана. Гъар сеферда сагъ хъхайила, ам вичин «сорокопятакал» хъфена.

### Мирза Велиев

(Советрин Союздин Игит)




Игитдин къегъалвал Мирзади 1944 – йисан 6-ноябрдиз Будапештдилай рагъ экъечIдай патахъ галай Вашад хуьруьн сергъятда къурмишна. Къагъриман хва душмандин 20 танкунин аксиниз экъечIна. Мирзади сифте танк 250 метрдин мензилдай яна. Ягъай туп танкунин «царахда» (гусеница)



акъуна, дяведин улакь алай чкадал элкъвена. Ахпа Мирзади лишандик кутуна, ахъаяй снаряд танкунин мотордин паюнихъ галукъна. Ахпа къвед лагъай танк ва адан гуьгъуьналлаз къезвай пияда аскердин машин тупунин лишандик кутуна. Къилеваз физвай къве танк хкатайла, немсери Мирзадин «сорокопятака» къатIана, ам лишандин цаюник кутуна. ХъитIрепIар цавуз акъатна, Мирзадин расчетдин аскерар мизамдикай хкатна. Тек яз ва ажугълу яз амукъай Мирзади мад пуд танк, бронетранспартер, пехота галай машин тергна ва къегъалдин ажалдалди чан гана.

Мирза Велиеваз 1945-йисан 24-мартдиз Советрин Союздин Игит лагъай (къейидалай гуьгъуьниз) гуьурмету дережадин Iвар гана. Гвардиядин старший сержант Мирза Давлетович Велиев женгинин лайихлувилерай Ленинан къве ордендиз, «За отвагу», «За оборону Кавказа» медалриз, «Баркаладин» пуд лагъай дережадин ордендиз лайихлу хъанай.



### Хаирбег Заманов

(Дивизиядин сердер)



Алай йисуз Ватандин Чехи дяведин важиблу ягъунрикай сад тир – Москва патал ягъунар къиле фейидалай инихъ 78 йис тамам хъун къейдзава. Москва патал ягъунар 202 юкъуз – 1941 – йисан сентябрдилай 1942 – йисан 20-апрелдалди давам хъана.

1941 – йисан 7-ноябрдиз къанлу душманар меркездиз гъахъдай чкайрал акъвазнавайла, Москвада риваятдин парад къиле фена, адан иштиракчийрикай Чехи пай гъасягда фронтдиз фена.

Мадни са важиблу вакъиа – 5-декабрдиз чи къушунар Москва хуьдай гъерекатрилай элячIна, гъужумдиз гъахъна. Агъзуралди



советрин аскердин жергейра, Москва хвейибурун арайра лезгиярни авай. И карда Докъузпара райондин Усугъчай хуьруьн агъали Хаирбег Демирбекович Заманован женгинин лайихлувилер лап чIехибур я. Адан дяведин гъерекатрикай Верховный Главнокомандующий И.В. Сталинан приказра къейднава Заманован гъурметдай, адаз Москвади салотар гана.

Москва хуьнай Хаирбегаз Женгинин Яру пайдахдин орден гана. Викегъ дагъвидин рехъ



жергедин аскердилай полковникдин дережадив кван агакна. Ам Ватандин Чехи дяведин йисара дагъустанвийрикай стрелковый дивизиядиз регъбервал гайи тек са кьегъаля. Москва хвейи ягъунрилай гуьгъуьниз Хаирбег Демирбекович Заманова Орел, Воронеж, Конотоп,

Нежин, Киев, Львов, Краков, Дембиц шегъерар азад хъувунин ягъунрани иштиракна. Ватанди дагъви сердердин женгинин лайхлувилер, дяведин мукъуф, устадвал 4 Красный Знамядин, Суворован пуд лагъай дережадин, Ленинан, Александр Невскийдин,

Ватандин Чехи дяведин сад лагъай дережадин, «Красный Звезда» орденралди ва гзаф медалралди къейдна. Дяведин дустари кичӀ авачирвилай ва дяведин рекъий авай бажарагъдиз килигна адаз «Багратион» лугъудай.





**Уруджев Агъабег**  
Абдулазизович 1898-йисуз Къурушрин хуьре малдардин хизанда дидедиз хъана. Адан зегъметдин рехъ чкадин агъалийрин мал-къарадихъ гелкъуьнилай эгечӀна. Хуьре Сталинан тӀварунихъ галай колхоз тешкил авурла, аниз гъахъна.

Ватандин Чехи дяведин йисара Агъабег Карл Марксан тӀварунихъ галай колхоздиз хъфена. Ина адахъ тамам балкӀанрин ферма авай. Ватандин Чехи дяведин йисара винидихъ тӀвар кьунвай колхозди атлунар авачиз, фронтдин игътияжар патал кӀвалахдай ва атлувилиз виже

## Уруджев Агъабег

(Социалист зегъметдин Игит)



къведай балкӀанар ракъуриз хъана. 1947-йисан кӀвалахдин нетижайри кӀалурна: цурра (тевлейра) 42 хвар ава, абурукай 42 тайча къачуна. СССР-дин Верховный Советдин Президиумдин Указдалди (1948-йисан 15-сентябрь) 1947-йисан малдарвилин рекъий къазанмишнавай бегъерлу нетижайриз ва малдарвилин хел виликди тухуниз килигна Уруджев Агъабег Абдулазизович «Социалист зегъметдин Игит» лагъай дережалу тӀварциз лайихлу хъана.

Къурушви Агъабег Уруджева фронтдиз, дяведин цӀаяра дурум гуз жедай 854 балкӀан рекъе тунай.



## Ханбике Эмирсултанова

(Жуьрэтлу дишегъли)



Ам 1922-йисуз Каракуьре хуьре дидедиз хъана. Хайи хуьруьн школа акбалтӀарай руша ФЗУ-да кӀелна, ахпа ада Дагъустандин Огни шегъерда химиядин лабораторияда лабарантка яз кӀвалахна. Дербентдин педучилищедиз гъахъна.

1942-йисуз ам Дагъустандин дишегълийрикай сифте яз, гуьгъуьллубурун жергейра аваз, фронтдиз фена. Ханбике Грозный шегъерда кардик кваз хъайи ПВО-дин 88-дивизиядиз рекъе туна. Ина ада алакъадин аскердин курсара чирвилер къучуна. Ам кьилдин 30 – прожекторный батальонда тайинарна.

1942-йисан октябрдин юкъвара 130-прожекторный батальон Красноводск шегъердиз акъудна. Ина ам КПСС-дин членвиле кандидат яз къабулна. Сталинграддиз гуьгъуьллу аскерар желбзавай. Ханбике, сифтегъанбурун жергейра аваз, Старые Дубровкадиз рекъе


туна. Ина адал хер хъана, ам госпиталдиз аватна. Сагъ хъхъайла, Ханбике мизамдиз вижесуз аскер яз гъисабна, амма икӀ ятӀани аскерин жергеда амукъна. Ханбикеди оптикадин приборар дуьз хъийидай мастерскойда кӀвалахиз хъана.

Мукъвал вахтара а мастерская Тула шегъердиз акъудна. Ина куьруьн вахтунин курсара хъайи Х. Эмирсултановадиз техникадин къуллугъдин сержантдин дережа гана. Ахпа ада Волховский фронтдин жергедик квай, 44-стрелковый дивизиядин старший связистка яз къуллугъна.

1944-йисуз абурун эшелон кардикай хкудна. Ханбике 36-дивизиядиз акъатна. 36-стрелковый дивизиядин 47-артиллерийский полкунин цӀусад лагъай батареядин комсарг яз, Ханбике гъалибвилин эхирдалди аскервилин мизамда амукъна.

Х. Эмирсултановадин женгинин лайихлувилер «Ватандин Чехи дяведин 2-дережадин», «Яру гъед» орденралди, 17 медалралди къейдна.

## Амай садал кьил чӀугуна



Ватандин Чехи дяведин 74 йисан гунзарда «Докъузпара Район» МР-дин Кьил А.М. Алискеров вахтуналди Республика Дагъустандин гьукуматдин закупкайрин комитетдин председателдин везифаяр тамамарзавайди тир Жафар Гьажибеговахъ, райондин прокурор Мисбагъ Назировахъ, Ахцегьрин погранкьуллугъдин комендант Алексей Свиридовахъ, чи райадминистрациядин кьилин

заместителар тир С. Гьажимурадовахъ, Агьмед Агьмедовахъ ва яшайишдин кьуллугъдин руководителрихъ галаз санал чи районда Ватандин Чехи дяведин иштиракчийрикай, кье чан аламай са ветерандал – Атамов Межид Салигьовичал кьил чӀугваз фена.

**Куьруь кьейд:** М.С. Атамов 1925-йисуз Кьалажух хуьре диледиз хьана. Хуьруьн ирид йисан школа акаьтӀарна, 1943-йисуз 18 йиса авай

жегьил яз фронтдиз фена. Ада Украинадин Житомир областда кьизгьин женгера иштиракна. Дяведин лайихлувилерикай «За отвагу», «За оборону Кавказа», «За Победу над Германией» медалрин иеси я.

Ветерандал кьил чӀугваз атанвайбуру Межид Салигьовичаз Чехи гьалибвилин Югъ мубаракна, адахъ хьана кӀанзавай чандин сагьламвал, руьгьдин кӀубанвал тӀалабна.

## Докъузпарада – чкадин радио



7-майдиз, радионин юкьуз, Чехи Гьалибвилин 74 йисан гунзарда Докъузпара райондин центрда шадвилин гьалара «Эренлардин сес» тӀвар алаз, чкадин радио ачухна.

«Докъузпара район» МР-дин Кьил А. М. Алискерова хабаррин такьатрин жигьетдай радионин важиблувиликай сугьбетна ва и йикъан сувар мубаракна.

Шадвилин мярекатдиз ГТРК «Дагъустан» радиотелекомпанидин

старший редактор Наира Рамазанова, редактор Нарима Жамалова ва телевиденидин оператор Мегьамед Мегьамедханов атанвай.

Наира Рамазановади Докъузпара райондин бажарагьлу ва лайихлу инсанрикай, абурук квай в а т а н п е р е с в и л и н , мугьманпересвилин руьгьдикай лагьана ва чкадин агьалийриз медениятдин рекьяй хьанвай цийивал мубаракна.

Райондин Кьил А.М. Алискерова республикадай атанвай мугьманрин пешекарвилин ерийрикай, абуру хайи чӀал хуьн патал тухузвай кьени кӀвалахдикай кьейдна ва абурун зегьмет Докъузпара райондин МР-дин патай Гьуьрметдин грамотайралди кьейдна. Ахпа райондин Кьили шад гьалара сифте яз чкадин радио кутуна, ам эфирдиз экъечӀна.

Чи мухбир

## «Рекъин тийир полкунин» альпиниада

«Докъузпара район» МР-дин Къил А. М. Алискерова Докъузпарадин пуд куклуш: Ярудагъ, Базар-Дюзи ва Шалбуздагъ табиярна, абурун къилел Гъалибвилин пайдахар алкIурай альпинистар тебрикна. Ихътин акт Республика Дагъустандин спортдин Министерстводи къиле тухун теклиф ганвай. Адан тереф чи райадминистрацияди хвена.

«Бессмертный полк» альпиниада винидихъ къейднавай тегьерда къиле тухун адетдиз элькъвенва. Альпиниадада Дагъустандин альпинистрилай гъейри маса регионрин векилрини иштиракна.

И сеферда шадвилин мярекатда иштиракиз Москвадай, Ростовдай, Барнаулдай, Махачкъаладай, Каспийскдай, Пермьдай Братскдай, Иркутскдай, Красноярск шегьеррай альпинистар атанвай. Къейднавай куклушра РФ-дин, РД-дин ва Гъалибвилин



пайдахар эцигна. Альпинизмдай региондин федерациядин председател Петр Леонова акциядин вири иштиракчийриз сагърай лагъана. Ада гъар йисуз альпиниададин иштиракчийр артух жезвайдакай къейдна. Ци абурун

къадар 42 касдив барабар я. Куклушрал экъечIун - им даяедин иштиракчийр рикIел хун, абурун къегъалвилер рикIел хуьн я. Чи буржини абур рикIера хуьн я.

Шагъбала ШАГЪБАЛАЕВ

## Мектеб - даяедин иштиракчидин тIварунихъ



Каракуьредин хуьре ийкъара шад мярекат къиле фена. Чкадин СОШ-да Ватандин Чехи даяедин ветеран, муаллим Магъмудов Гъажи Магъмудовичан тIварунихъ а мектеб ягъун вилик акъвазнава. Мярекат РФ-дин ва РД-дин гъукуматдин пайдахар гъунилай эгечIна. Шадвилин суварик гъуьрметлу мугъманар атанвай. Абурун арада «Докъузпара район» «МР-дин Къил

А.М. Алискеров, образованидин управленидин начальник Гъ.Э. Шагъвеледов, хуьруьн къил Гъасанбег Балабеков, райадминистрациядин къилин заместителар – Салигъ Гъажимурадов, Къазихан Мегъединов, Агъмед Агъмедов, ИМЦ-дин руководитель, ветерандин хва М.Гъ. Магъмудов, ветерандин руш Ханум Султанова, муаллим,

зегъметдин ветеран Мирзарагъим Залов, Каракуьредин погранзаставадин начальник Иван Мезгов, муаллим, зегъметдин ветеран Рамидин Сулейманов, Афгъандин вакибайрин иштиракчи Абдулазиз Агъасиев, РД-дин муниципальный къуллугъдин гъуьрметлу работник З. Ш. Абдулкеримов, райондин Собранидин председател Абас Абасов авай.

Райондин Къили, вич Магъмудов Гъажидин ученик хъунал дамахзава, - лагъана.

- Ам мягъкем къилих авай, даяедин къизгъин цIаярай экъечIнавай къагъриман я. Саки уьмуьрдин эхирдалди Гъажи Магъмудовича муаллимвилин пеше давамарнай. Къе, чна Каракуьредин СОШ Гъажи Магъмудович Магъмудован тIварунихъ язава. И яржуниз ам суварин гунзарда лайихлуни я, къейд авуна УО-дин



начальник Гъ. Э. Шагвеледова. И хуьруьн мектебдин тарихдин муаллим Эдуард Гъажобекова дядедин ветерандин уьмуьрдиз ва женгинин рекъиз талукъ хейлин цийи чинрикай хабар гана.

Суварин эхирдай дядедин ветерандин хци, Мадрид Гъажиевича Каракуьредин СОШ-дин 9-класс лап хъсан кьиметар аваз акалтарай аялриз Магьмудоврин хизандин

патай 10 агъзур манатдин стипендия гудайдакай хабар гана.

ИМЦ-дин руководителди алай йисуз мектебдиз фидай 1-классрин аялриз портфелар пишкешна. Ханум Султановади бубадин кьамат эбеди авунай райондин Кьилиз ва УО-дин начальникдиз сагърай лагъана.

Шагьбала ШАГЪБАЛАЕВ

## СПОРТ

# Волейболдай турнир кьиле фена



Алай йисан 5-майдиз Цийи-Каракуьредин спорткомплекса Докъузпара райондин, Мегьарамдуьруьн райондин, Рутул ва Ахцегь районрин чехи яшдин командайрин арада Чехи Гъалибвили 74 йисаз талукъ яз, волейболдай акажунар кьиле фена.

Турнирда гъалибвал Цийи-Каракуьредин хуьруьн пагъливанри къазанмишна. Къвед лагъай чкадиз Рутул райондин спортсменар ва пуд лагъай чкадиз Ахцегь райондин Ахцегьрин хуьруьн команда лайихлу

хъана.

И мярекатдин спонсорвал райондин Собранидин председатель Абас Абасова авуна.

—Ихьтин жуьредин акажунар кьиле тухуни акалптавай несилдин арада уьмуьрдин сагълам тереф таблигъа авуниз, экуь чешне кьуниз кьуллугъзава, - лагъана ада.

Акажуна тафаватлу хъайбуруз райондин Кьилин заместитель Салигъ Гъажимурадова пишкешарни гана.

Чи мухбир



## «ГОЛОС ЭРЕНЛАРА»

2001-йисан  
ноябрдилай акъатзава

**Тешкилайди:**

Докъузпара райондин  
администрация,  
Дагъустан Республика

**Учредитель:**

Администрация Докъузпаринского  
района, Республика Дагестан

**Кьилин редактор:**

А. Э. ЭМИРСУЛТАНОВ

**Жавабдар секретарь:**

В. С. АГЪАМУРАДОВ

**Хуси корреспондент:**

Ш. О. ШАГЪБАЛАЕВ

**Корректор:**

Ш. О. ШАГЪБАЛАЕВ

**Верстка авурди:**

Э. А. КАРИБОВ

**Газетдин индексар:**

Зур йисан кьимет - 216 м.

Йисан кьимет - 432 м.

**Чандиз вахкай вахт:** 14:00

**Чапзавай вахт** - 17:00

**Тираж** 480

*Редакциядинни макъалайрин авторрин фикирар сад тахьун мумкин я. Макъалайрин делилдин дуьзвилини патяхъай жаваб авторри чпи гуда. Макъалайриз рецензия гузвач ва абур элкъвена вахкузвач. Мадни, чпин макъалайра дегшивилер тунал, кьилер дегшиарунал рази тушир мухбиривай чна абур редакциядиз ракъур тавун тГалазава.*

*Газета зарегистрирована Управлением Федеральной службы по надзору в сфере связи, информационных технологий и массовых коммуникаций по Республике Дагестан*

**Регистрационный номер ПИ №ТУ5 - 00256 от 14 июня 2013 г.**

**Редакциядин, издательстводин ва типографиядин адрес:**

368750, Докъузпара район, Усугъчай хуьр,  
тел.+7 (8722) 55-14-61  
e-mail:

golos-erenlara@mail.ru  
Чи сайт: www.erenlar.ru